



Jón Kristjánsson læknir.

Jón Kristjánsson, læknir, er fæddur að Breiðabólstað í Vesturhópi 14. júní 1881, sonur hjónanna Kristjáns Jónssonar Kristjánssonar, prests, og Gróu Ólafsdóttur frá Sveinsstöðum í Húnaþingi.



Hann gekk inn í annan bekk Latinuskólans vorið 1899, og útskrifaðist þaðan vorið 1904. Þá fór hann á Læknaskólann og stundaði þar nám fram til 1907, en þá tók hann upp þá nýbreytni, að fara utan, til Danmerkur, til þess þá þegar, að afla sér sérmentunar í þeirri grein læknisfræðinnar, er honum stóð mest hugur til, Fysioterapi (nuddlækningar). En meðfram gerði hann þetta til þess eftir á, að geta sjálfur unnið fyrir sér meðan hann stundaði nám við Læknaskólann. Sýnir þetta fram-

takssemi hans og áhuga. Í Kaupmannahöfn stundaði hann nám hjá dr. Clod Hansen, og byrjaði síðan á árinu 1908, að stunda hér heima nuddlækningar, eins og það þá var jafnan kallað. Jón heitinn kom þá þegar með ýms ný tæki, er menn ekki höfðu áður átt að venjast og fékk þegar góða aðsókn og álit hið besta.

Sóttist honum seint námið á Læknaskólanum, sem mjög var eðlilegt, þar sem hann varð að hafa það mestmegnis í hjáverkum, en kandidat varð hann árið 1914, og sýndi með því þrautseigju og þolgæði. Fór hann þá utan eins og lög stóðu til, á Fæðingarstofnunina, og notaði jafnframt tækifærið til að framast í sérgrein sinni. Var þá einnig um tíma á Finsensstofnuninni í Kaupmannahöfn og lagði sérstaklega stund á hjartasjúkdóma. — Kom þessi fór honum að miklu haldi og jókst nú aðsókn hjá honum og álit hans, enda mun lækningastofa hans þá, hafa verið meðal þeirra fremstu, að áhöldum og útbúnaði, þeirra stofnana er stund lögðu á Fysioterapi, þó víða væri leitað.

Árið 1921 fer Jón enn utan, til stuttrar dvalar. Kemst hann þá í kynni við Diathermi-lækningar, og leitar til stjórnar og Alþingis um hjálp til kaupa á þessu nauðsynjateki. Veitti Alþingi fé til kaupa á slíku áhaldi handa honum og mun það fyrsta áhaldið, til Diathermi-lækninga, er hingað til lands hefir komið.

Þegar Jón með dugnaði sínum

hafði fengið þessu ágengnt fór hann á ný til útlanda 1924. Dvaldi þá mest í Vínarborg, en einnig nokkuð í Kaupmannahöfn, til þess að læra til fullnustu lækningar með Diathermí.

Jón heitinn var mjög merkur maður innan lækna-stéttarinnar íslensku, þar sem hann má áreiðanlega kallast brautryðjandi, ef ekki faðir Fysioterapiunnar hér á landi, enda var hann ábyggilega mjög veltur á þessum sviði og virkinn í sinni grein.

Jón var hvers manns hugljúfi, vinsæll mjög af sjúklingum sínum, enda oft engu síður vinur þeirra en læknir.

Hann var ljúfur og geðþekkur öllum þeim, sem honum kyntust vel, þrúður í framkomu, ætíð lifg-

andi og fjörgandi við hvern sem hann átti; allra manna skemtilegastur í sínum hóp, þrúginn fyndni og ljóri.

Stéttarfélagi var hann ágætur og einhver hinn allra „kollegialasti“. Gat hann ekki í neinu því er að lækningum laut, hugsað sér að fara á snið við stéttarbræður sína.

Það eru áreiðanlega margir, auk nánustu ættingja, sem harma Jón Kristjánsson, vinir, sjúklingar og kollegar. — Þar fór góður drengur, vinfastur vinur, góður læknir og góður stéttarbróðir.

Jón Kristjánsson kvæntist árið 1913 Emilíu Sighvatsdóttir bankastjóra. Líftir hún mann sinn ásamt fimm börnum þeirra.

M. P.

Fréttir.

Vegna sumarfrís og ferðalaga ritstjórnarinnar hefir útkoma þessa tölublaðs Lbl. dregist. Næsta tbl. er væntanlegt um miðjan september, og verður sent með eftirkröfu til þeirra, sem eiga ógreitt árgjald.

Lausn frá embætti (Ögurbéraði) hefir Högni Björnsson fengið frá 1. jan. 1938.

„Turnus“-kandidat á Nýja-Kleppi er ráðinn Þórarinn Sveinsson, frá 1. ágúst. Í gistivist Land-

spítalans hefir dvalið Jóhann J. Kristjánsson héraðslæknir.

Til útlanda eru fyrir nokkuru farnir: Gunnl. Einarsson, Árni Pétursson og Bjarni Snæbjörnsson.

Nýkomnir eru frá framhaldsnámi erlendis: Kristinn Stefánsson (lyfjafræði), Karl Jónsson (kirurgi), Ófeigur Ófeigsson (intern medicín), Júlíus Sigurjónsson (patologi), Björgvin Finnsson (fysioterapi).